

Factus: quid infames clitellas? quid magis
 Patior hoc turpi macerari in stabulo
 Ignotus omnibus? quid nemus adire moror
 Me ubi meis captæ leporibus regem
 Feræ omnes una voce clamabunt suum:
 Sic equidem, sic juvat: hæc ait & patrio
 Præsepe relicto sublimia sibi fingens
 Intravit in nemus indomiti quando lupi
 Cives veteris Silvæ irruere & improbum
 Dilaceraverunt regna meditantem nova
 Qui moriens, meritò ait, merito plector, quia
 Tibicen optavi fieri, cum asinus essem.

B E N E D I C T U S S T A Y
 Ragusinus

I N T E R A R C A D E S

A R E T A S E P I D A U R E N S I S .



*Excerpta quædam ex ejus Poemate
 Philosophico.*

PRincipio globus hic, Tellurem quem vocitamus,
 Et maria, & terras ingenti amplectitur orbe.
 Qua tamen in terras spatiis extenditur amplis,
 In partes multi scissum voluere quaternas;
 Nos unam incolimus, quæ nunc vetus Orbis habetur;
 Quandoquidem priscis fuit haud incognita sæclis.
 Altera Terræ pars est America, suumque
 Nomen ab Etrusco retulit modo cognita Tiphy.
 Laudamus veterem grajo sub Jafone pubem,
 Quam freta tentantem prius usquè impervia puppis
 Transtulit Argolica de terra ad Colchidos oras,
 Deinde viæ pretium referentem velleris aurum: